

HIPPOCRATES

GALENUS

DISSERTATIO INAUGURALIS MEDICA
DE
DIÆTÆ TENUIS SALU-
BRITATE,

Vom Nutzen einer geringen Kost;

QVAM AUSPICE DEO PROPITIO

Auctoritate Gratiſſæ Facult. Medicæ,
IN ALMA REGIA FRIDERICIANA,

PRAESIDE

MICHAELE ALBERTI,

Sacr. Maj. Reg. Boruss. Aul. & Consist. Magd. Consilia-
rio, Med. & Philos. Nat. Prof. Publ. Ord. &c.

Decano h. t. Spectatissimo,

Dn. Patrono, Præceptore ac Promotore suo honoris cultu
prosequendo,

PRO GRADU DOCTORIS

Hor. Loc. consuetis A. 1744. d. Octobr.

Publicæ Eruditorum Ventilationi subijciat

Respondens

LEONHARDUS GOTTLIEB LEUTHOLF,

Norda-Frisius.

DIOSCORIDES

PARACELSUS

Regnum
vegetabile

Regnum
mineral





PROOEMIUM.



Inter alia salutaria præcepta, quæ
 HIPPOCR. pro sanitate conser-
 vanda commendavit, illud est,
 quod in *Lib. VI. Epidem. Sect. 4.
 text. 41.* continetur: *exercitatio
 sanitatis est vesci citra saturitatem,
 non refugere laborem:* quod idem
 est ac ratione quantitatis & mensuræ mediocriter aut
 moderate edere, attamen simul convenienter labo-
 rare: hunc textum aliquatenus illustrat aliud asser-
 tum in *Lib. I. de Diæta §. 2. text. 1. sq.* *Contrarias inter se
 vires habent cibi & labores. Verum inter se mixti confe-
 runt ad sanitatem: labores enim ea, quæ insunt, consume-
 re solent, cibi autem & potus, ea quæ evacuata sunt, ex-
 plent.* Quare edere non debet, qui laborare recu-
 sat: huc pertinet CELSI testimonium *Lib. 3. §. 4. opti-
 mum medicamentum est cibus opportune datus.* Et hoc
 sane fuit arcanum priscorum medicorum diæteticis

mediis non solum præsentem sanitatem conservare, sed & amissam reparare & confirmare: ob id ARNOLDUS in *parabolis* c. 2. n. 4. elocutus est: *quando sanitas alimentis procuratur, penitus est abhorrendus usus medicamentorum.* Quam multum referat & vitæ atque sanitati conducat congruam Diætam ordinare, præcurrente HIPPOCRATE multi antiquorum testati fuerant; ideo etiam HIPPOC. *de vict. in acut. §. 4. text. 1.* conqueritur: *neque veteres quicquam memorabile de victus ratione conscripserunt, & quanquam magna hæc res sit, eam amiserunt.* Salubre hoc præceptum, naturæ apprime conveniens, multis rationibus, exemplis & suffragiis probari potest; huc imprimis pertinet FERNELII effatum *Lib. I. parbol. c. 14. pernicioſa, inquit, admodum sentina est abdomen insaturabile, omnium tum corporis, tum animi vitiorum fons atque origo. Intemperantia est medicorum nutrix: nam cibus moderatus Spiritus nativum calorem corporisque substantiam tuetur & reficit, facultates omnes, earumque functiones corroborat, coctionem alimenti, distributionem, humorum æqualitatem, & excrementorum propulsionem, motus denique sensus mentisque vires integras incolumesque conferunt.* Plurima fere sanitatis detrimenta ab incongrua proveniunt diætâ: quamprimum enim homines luxuriæ se dicaverant, ab eo tempore magis morborum numerus adauctus & fragilitas corporis humani promota & accelerata fuit; ab unica hac causa multa & gravia oriuntur incommoda: nec tamen hoc loco in tam amplum campum ingredi occasio permittit, dum quoad Diætam multa vitia re-

spectu

specu quantitat, qualitatis, modi, ordinis, temporis &c. committi solent: quare SENECA in *Ep.* 95. ait: *innumerabiles esse morbos miraris! Coquos numera?* ob id diæta luxuriosa cito jugulat homines, & luxus ciborum aulicus ut plurimum gravissimorum morborum causa existit: ita nervose exclamat PAULLINI *Cent. I. obs. 85. p. 108. sq. Vab! quam bella animalcula nascuntur ex ingluvie. Vade modo in aulas Principum, & videbis integrum nosocomium, cachecticis, hydropicis, artbriticis, nephriticis & ejusmodi tumuli Candidatis repletum, ob solam intemperantiam & stultum simplicitatis fastidium, tantis cruciatibus plexis, a quibus tenuioris fortunæ homunculi, queis paternum in tenui mensa splendet salinum, & quibus Deus parca, quod satis est, dedit manu perpetuo, & tamen plerumque sunt immunes: ideo illi, qui præ avaritia genium suum defraudant, inter alias causas longævitatem suam etiam hisce tribuere possunt, quod juxta PYTHAGORÆ monitum nunquam saturati a mensa discedant, cæteroquin etiam vilissimo fruuntur victu: de Essenis refert JOSEPHUS de *B. I. Lib. 2. c. 7.* quod ob tenuem & simplicem victum longiorem vitæ tractum assecuti fuerint. Adeo seductus gulosus & immoderatus est appetitus humanus, ut opipara, sapida, alte delectantia, succulenta, saginata, pingua similiaque desideret, inde vero innumera sibi provocet detrimenta; quare BARTHOLINUS de *sangu. vetit. p. 53.* differit: *Deus hominum conditor cibum & potum pro incolumitate, non deliciis largitus est; cujus hoc dedit indicium, quod parvo temporis spatio voluptas eduliorum sentiatur,**

brevissimo scilicet inter deglutiendum. Communi itaque suffragio, docente imo jubente natura, simplicitas in Diæta probatur: varietas vicissim, multiplex, miscela aut confusio & reliquus gulosus splendor vires naturæ debilitat & sanitatem labefactat. Quare carniū plane esum & usum multi non admodum salubrem æstimauerant: hinc **DIOGENES** Cynicus interrogatus, quare athletæ fere sine sensu & mente essent, respondit: quia ex suillis & bovillis carnibus constant: acute ad stuporem animalium alludens, dixit **LIPSIUS** in *Senecæ Ep. 15.* qui testorū fuit, quod animi subtilitas ciborum copia impediatur. Si non plurima, magna tamen hominum pars mortem in olla reperit: ideo non pauci hominum longævitatē ante & post diluvium ex parte sobrietati, temperantiæ, simplicitati & lenitati tribuerunt; quamvis **BURNETIUS** in *Histor. tell. Sacr. L. 2. c. 2. p. 88.* asserat, quod frustra in explicanda longævitate antediluviana recurratur ad diætā sobriam, tenuem & excarnem: quo plus enim appetitui & gulæ luxuriei homines operam dederunt, eo magis vitæ & sanitati præjudicia accumularunt, hinc **CLEMENS ALEXANDRINUS** *Lib. 2 Pædog. c. 1.* inquit: ex cibis ii sunt optissimi, qui sunt frugaliōres & viliores: ii autem qui ad luxum mensarum propensi sunt, suos sibi morbos enutriunt. Eo tempore, quo victus tenuis atque simplex usu receptus fuerat, homines firma, durabili & longiori sanitate fruebantur: & vice versa, hinc **MUSONIUS BABYLONIUS** ap. **STOBÆUM** *serm. 18.* conqueritur: majus studium coquis, quam agricolis impenditur: aliqui tota prædia in conviviorum appa-

*apparatu consumunt: an non hoc miserrimum est! præsertim cum nihil utilitatis corpori accedat ex tam sumptuosa dapi-um structura; omnino enim contraria ratione, qui communissimis cibis utuntur, robustissimi sunt. Quanta vis & nutriendi & roborandi panis inexistat, universa testatur experientia, qui sicut cibus communis, popularis atque vilis, is fame pressis & viribus exhaustis præsentaneam suam utilitatem exhibet: hinc multi Panis laudes merito concelebrarunt, conf. ARNDTIUS V.C. Lib. 4. c. 3. SPENER Thätig. Christenth. Dom. VII. Trinit. p. 254. sq. CASP. REJES. Comp. Elys. juc. qu. 85. n. 8-10. CAMERARIUS Syllog. memorab. Cent. 20 partic. 48. Rob. FLUDD de Pane nutrimento facile principe, WEDELIUS Exercit. Philol. med. Cent. 1. decad. 4. exerc. 3. Quam tenuis atque vulgaris itaque panis censetur victus, tam eximiam vim habet, vitæ & sanitati proficua, unde multis ægris ex pane parata esculenta & potulenta exquisitum largiuntur cordiale: Facile vero liquet, quod sub attento scrutinio in simplicioribus maxima vis lateat, præcipue ea, quæ ordini & viribus naturæ præcipue conveniunt: hinc SENECA Ep. 95. exclamat: *Simplex erat ex simplici causa valetudo: multos morbos, multa fercula fecerunt: vidi quantum rerum per unam gulam transiturorum permisceat luxuria, terrarum marisque vastatrix.* Quicquid itaque in rerum universitate a simplici & viliori ordine, statu, gradu, & facultate defleat, & scrupulosis, curiosis & luxuriosis artificiis alteratur, id hæud æquales & prosperos promittit usus atque successus. Et dum alimenta & potulen-
ta*

ta intimiora corporis loca intrant & penetrant, facile porro liquet, quod multum inde œconomix vitali quoad vires naturales, partium fluidarum temperiem & congeriem, solidarum mobilitatem atque robur, vasorum & canalium receptivitatem & permeabilitatem & singularum functionum ordinem atque successum, accedat: unde recte colligitur, talem expectandam esse sanitatem, qualis observari solet diæta: nec unquam alicui lauta, opipara, luxuriosa, gulosa, splendida & pretiosa diæta vegetam sanitatem & diuturnam vitam promisit; quare recte PLUTARCHUS *Lib. 4. Sympos. qu. 1.* testatus fuit, *quod e multiplici victu simplicior non modo paratu, sed etiam concoctu facilior sit.* Hæc consideratio calcar nobis addidit, ut præsentī Specimine inaugurali DIÆTÆ TENUIS SALUBRITATEM explicemus & commendemus. Cui instituto ut cœlestis actionum nostrarum Moderator prospero successu annuat, est quod in limine hujus tractationis humillimis precibus flagitamus.

§. I.

Quāntum medici *antiquiores* & recentiores *Diætæ selectæ* ad sanitatem tuendam & conservandam tribuerint, uberrimis testimoniis constat: hoc loco duntaxat in memoriam revocare placet, quod veteres *exquisitam* diætā in *morbis* præceperint, & quidem talem, quæ *viribus* conservandis, confirmandis & roborandis quadrat: & quoniam de *tenui* diætā tale quid expectare & promittere haud potuerant, ideo in
mor-

morbis illam diætam haud probarunt; persuaferant sibi, quod in morbis victus conducatur, ast non *tenuis*, qui *vix nutrit* & reficit, sed magis *consistens*, *alimentosus*, medicamentosus & *confortans*: in eo autem nobis non *ordini naturæ* inhæsisse videntur, quoniam *principale* morbi signum & pathema esse solet *victus averfatio* & *appetitus dejectio*, aut vaga hujus atque turbulenta conditio; *reluctante* enim appetitu victum *obtrudere* velle, *peffime* ægroto consultitur, sicut illi *plebejo* errore ægros, cibi fastidio laborantes, ad victum ingerendum urgent & *cogunt*, sub falsa spe, quasi *vires* inde firmiores recuperent, cum tamen HIPPOC. assertum *Seçt. 7. apb. 62.* veritati maxime consonum sit, quod *alimentum, ut sano robur, sic febrienti morbus fit*: spectat huc HOLLERII *Scholion. omnis enim morbus*, inquit, *quatenus morbus, perpetuam inediam postulat, quod cibus ægotandi exhibitus morbum adaugeat*: addo BARTHOLINI suffragium *de sangu. vetito p. 17.* *quicquid reluctante natura assumitur, turbare quidem illam potest, non nutrire aut roborare.* Multum quidem *veteres* victus *selectui* & moderationi tribuerunt, quia spe se lactaverant, inde corporis augmento & *virium* robori multum adjumenti accedere, hinc non solum sanis, sed & ægris certam victus rationem atque regulam, quoad quantitatem, qualitatem, tempus, & reliquum ordinem ordinaverant. Alias HIPPOCRATES cum interpretibus & glossatoribus suis appellatione victus simpliciter tenuis, *exacte* talis & tenuissimi magis lusum commiserant, quam usum præstiterant: Communiter quidem tenuem victum appellaverant, qui magis nostris temporibus atque locis *enervat*: hinc VALLESIUS *in Hipp. Seçt. 1. apb. 4.* ait: *sim-*

B *pliciter*

pliciter tenuis victus, debilitat parum: exacte tenuis, debilitat conspiciue: tenuissimus debilitat multum: constat semper hoc periculi esse in victu tenui, quod facultas languescat, & Christoph. a VEGA in Hipp. L.1. aph.8. ita commentatur: per victum tenuem non servantur vires & per ipsum ægri non poterunt ad summum morbi vigorem perdurare: tenuis itaque victus veteribus dicebatur, levis, dilutus, debilis, magis humectans, parum nutriens, haud reficiens, aut parum roborans: ita CHR. a VEGA in aph.3. p.556.557. commentatur: victus exacte tenuissimus, ut acetum mulsum, aqua mulsa: acetum mulsum nullum, aqua mulsa paucum & imbecillum præstat alimentum: victus non exacte tenuissimus aqua hordei elixi, donec hordeum rumpatur, non expressa & jus galli tenue amygdalatum: exacte tenuis cibus est jus gallinæ cum hordeo elixæ, expressis granis, lactuca elixa cum aceto, pyra aut poma assa, cucurbita elixa cum jure pulli, aut gallinæ integra ptisana: non exacte tenuis jus gallinæ cum mica panis, alæ avium elixæ, hepata gallinarum vitelli ovorum: sed quis non ex hac relatione abunde perspicit, plurima recensitorum subjectorum aliqualem facultatem alimentosam, aliqua vim alterantem & medicamentosam habere; ideoque juxta veterum opinionem non adeo aliena & inutilia esse: etenim antiquata est traditio, quasi alimentosorum ingestio in morbis sit proficua, quasi illa absolute in morbis roborent, quasi per se in morbis nutriant & reficiant, quasi in morbis victus ingestio necessaria & bonæ prognoseos sit, cum tamen innumeris exemplis comprobetur CELSI monitum, multos graves morbos abstinentia curari, & quod in plurimis morbis consultum magis modice a ciborum ingestione

ne

ne *abstinere*, ne *novo onere*, ut HOLLERII verbis exprimam, *natura debilis fatigetur*, neve hæc a *coctione mor-
bificæ materiæ revocetur*, dum vires *superstites* magis cau-
sæ morbificæ *subjugandæ* & *exterminandæ* præstent va-
leantque. Ob id etiam veteres *tenuissimum* victum illis
concedunt ægris, qui alias viribus adhuc *robustis* gau-
dent: sicut ROD. a CASTRO de *M. M. Lib. 1. c. 10. in sch. p.*
48. lin. 36. testatur, quod *victus tenuis facile a natura su-
peretur, minimeque excrementosus sit*: quam veterum sen-
tentiam etiam illustrat PAUL. de SORBAIT *Meth. Med. cap.*
10. qu. 12. qu. 90 & Med. Pract. Tr. 1. c. 5. obs 3. hinc nonnul-
li hoc temperamentum constituunt, quod victus *tenuis*
in *acutis minus*, in *chronicis* valde *noxius* sit: ita enim disse-
rit SEBIZIUS de *aliment. facult. Lib. V. probl. 74. p. 1395.*
conveniens est victus tenuis in morbis acutis & præsertim in
summo illorum vigore - - *lucta enim naturæ tum temporis*
*cum morbo est magna, estque natura circa πεπασµὸν mor-
bificæ materiæ occupata: ideoque ab officio suo minime avo-
canda: parum vero tutus est iste tenuis victus in morbis*
longis teste Hipp. aph. 4. Sect. 1. vires enim demolitur, quæ
*tamen roborandæ sunt, ut æger durare morbique expecta-
re finem valeat.* Huic *tenui* victui veteres opponunt *cras-
sum* consistentem, *alimentosum*, pinguem, & plenum:
quam considerationem generalem pro illustranda & qua-
dantenus distinguenda præsentī nostra disquisitione præ-
mittere placuit.

§. II.

Ut autem nostro themati *propius* veniamus *primo* lo-
co *tenuem Diætā* vocamus: *qualitatem victus & potus vi-
liorem non valde pinguem, sed modice alimentosam, simpli-*

cem & usitatum, quantitate etiam viribus individuorum convenientem & respondentem: quare non æque semper & absolute ratio consistentiæ hac tenuitate intelligenda erit, quasi valde dilutus, aquosus, levis & fluidus semper talis cibus & potus esse debeat, dum qualitas hæc interdum etiam consistens & mediocriter crassa esse potest: ob id tenuem diætam vocare possumus illam, quæ modicum nutrimentum largitur, quam vocant eine leichte, mäßige nonnunquam etiam eine geringe und sparsame Kost: quæ opponitur einer guten, fetten, nahrhaften und mästenden Kost; hanc diætæ qualitatem congrua relatione etiam simplicem vocare possumus, qua subjecta aut parca quantitate sufficienter nutrientia, aut paulo largiori copia usurpata mediocriter alimentosa, naturali magis qualitati congrua, aut domestico simplici & parum artificioso more & modo præparata adhibentur, uti vulgo nuncupant, eine gemeine häußliche, bürgerliche, oder Hauß, und Hauß-Manns-Kost: tenuitati quidem sensu physico, communi & naturali opponitur crassities, spissitudo & saturata consistentia, attamen relativo & medico significatu ex parte simplex, vilis & consistens diæta æque tenuis vocari potest, quasi medico significatu interdum cruda coctis opponuntur, licet illa non physico sensu dura, crassa & spissa existant. Inde etiam est, quod homines vilioris conditionis, duro & laborioso vitæ generi dediti, valde simplicem, famelicum, & tenuem victum usurpent, eine schlechte, geringe, magere Kost, attamen ad arduos & graves suos labores vires comparate sufficienter possident: ita ZACUT. LUSIT. in Medic. Princ. Hist. L. 2. hist. 80. dubio 48. p. n. 326. a. lit. E inquit, rurales homines & laboribus dediti simplici utentes victu, robusti.

busti sunt: contra variis epulis adfueti, imbecilles & morbis valde obnoxii: quæ myriadibus exemplorum comprobata observatio contra illos aperte militat, qui *vires naturales materiales* a cibo & potu derivare contendunt; ubi facile manifesta contrarietas elucescit, quando *robustæ, firmæ, strenuæ vires* cum *diætâ vili, tenui, simplici* comparantur: & vicissim magna hominum copia, in cœconomia *divitum* & vita *aulica* degentium, valde *pingui, nutritiva, sapida, splendida, generosa, spirituosâ, aromatica, altiori* sapore prædita diætâ fruitur, nihilo tamen secius valde *sensibilis, imbecillis, infirma* ac vacillante sanitate instructa deprehenditur: ubi vaga & infirma provocatio ad constitutionem corporis, ad consuetudinem, velut ignotos Deos & refugia turbulenta, percipitur, quando antea austera fronte & tenaci credulitate, vires in victu & potu *materiales* declamatae fuerant; hinc *roboratio* cum *Diætâ* conveniens, ex *alio* nervo probandi, quam *materialitate* virium derivanda est. *Alterum* momentum præsentis tractationis est, quod *tenuis* Diætâ præ reliqua *salubris* existat, præcipue *sanis* subjectis, deinde etiam ut plurimum *ægris*: illis quidem *familiari & quotidiano* usu, quamvis interdum pinguior victus non statim ac per se sanitatem violet; attamen *hic quotidiano* usu haud certam, firmam & diuturnam sanitatem promittet. Si diætâ hominum *primæ* mundanæ periodi dijudicamus, qui præcipue *sobrietati* operam dederunt, *aliorumque*, qui *luxuriæ* indulserant, facile inclarescet *illos durabiliori & firmiori* sanitate præditos fuisse: quemadmodum etiam constat *priores* illos e *vegetabili* plurimum regno *tenuem* & temperatam diætâ servasse: nec longævitas eorum,

qui *ante* diluvium luxui dediti fuerant, expressa littera in Sacro Codice probatur, nisi magis *præsumatur* & incerta conjectura indicetur. Subinde etiam *luculento* documento constat, quod dum in universo cœtu hominum, plurimi aut in *mediocri* aut *vili* statu versantur, ideoque diæta magis mediocri, aut plane vili, simplici atque tenui utuntur, sub *hac* autem *robusta* magis sanitate fruuntur, *hæc* diæta propterea *vitæ naturali* magis etiam conducatur. Quod ad *ægros* autem attinet, tunc, si etiam cibum assumere possunt, magis *tenuem* proptereaque evpeptum atque modicum ingerere debent, quoniam *hoc* tempore & sub hoc statu, corpus *non nutriendum*, sed sub reliquo periculo vitæ conservandum, *quælibet* functiones autem ad sanitatem recuperandam necessariæ, *promovendæ* sunt, quo præter multa alia subsidia diæta comparate *tenuis plus* confert, quam consistens & perquam *nutriens*, quæ magis *ægros onerat*, quam roborat, viresque magis consumit & depauperat, quam reficit & confortat.

§. III.

Per *tenuem* autem diætam non *plane famelicum* ac necessario alimento carentem victum intelligimus, quem vulgo ein hungerig, geringe, schlecht und mageres Mahl vocant, sed potius *mediocrem*, temperatum & ad *necessitatem* vitæ, pro ratione ætatis, vitæ generis, virium, constitutionis corporis, excretorum &c. instructum; ideo a tali diæta tenui discrepat convivium pinguedinum, medullosum, ein fett Mahl, quod *superflue* nutrit: nec propterea naturalis necessitas postulat victum talem opiparum, si in nonnullis subjectis deprehenditur, flagrans appetitus, calidus ventriculus, robusta concoctio, strenua
ex-

excretio, quæ qualitates æque congrua tenui diæta saturari possunt, id quod iterum exemplo & testimonio populi agrestis & reliquæ plebis aperte confirmatur. Hæc ipsa tenuitas autem concernit qualitatem victus & potus respectu contentarum materialium *nutritiarum*, quæ mediocri & modica copia illico comprehenduntur; sicut. v. g. panis secalinus & cibi hordeacei non tam largiter nutriunt, ac triticea alimenta: carnes elixæ & coctæ comparate parcius, quam assæ, alunt: *conf. CELSUS L. 1. c. 2. BARTHOLINUS Medic. Dan. dom. diff. 6. p. 277. CAMERARIUS Syllog. Memor. Cent. XII. part. 24.* neque etiam cum tenui victu *nimia* impletio, *superflua* ingestio, *gulosa* ingurgitatio ciborum, *mediocriter* nutrientium, convenit, quæ rectius tenuitatem ita immutat, ut copia & *quantitate* suppleatur, quod in *qualitate* prius *temperatum* magisque congruum fuerat. Qua de causa Diæta tenuis etiam collective *moderamen in copia* ingerendorum complectitur: etenim licet usus lactis, butyri, casei, præter panem, victum simplicem constituat, tamen *plenior* & uberior eorum ingestio, quia *superfluum* alimentum suggerit, de prædicatam illam tenuitatem violat. Et ita secundum naturalem relationem tenuis diæta *accommodata* esse debet generali qualitati & *constitutioni materiali* corporis humani, quæ *plurimam* partem *aquosæ* humiditatis, multam *terrestreis* substantiæ, & *modicam*, si non comparate *parcam* copiam *pinguis*, aut oleosæ materiæ comprehendit: prior ad *sufficientem* humorum liquidam *fluiditatem*, reliqui vero corporis *lenitatem*, lubricitatem, mollitiem & flexilitatem, altera ad partium *soliditatem*, consistentiam, densitatem, resistentiam, ultima ad fluidarum

darum & solidarum partium *unctuosum lenitionem*, gelatinosam *emollitionem* &c. confert: ob id *naturali* qualitati conformis, insuper sanitati & vitæ magis *salubris* diæta est, quæ magis *liquida*, aut humida, aquosa ideoque temperata, diluta & *tenuis* existit, quo cibus & potus non valde pinguis & saturatus requiritur, ideo *temperatæ* fruges, carnes *non valde saginatae*, lacticia *modice* usurpata, fructus aruenses, brassicæ, betæ, atriplex hortensis esculenta, rapa sativa, napus sativa, pastinaca sativa, fructus leguminosi, decocta hordeacea, avenacea, oryza, farinacea, carnes & pisces muria conditi, & fumo imprægnati huc spectant, singula talia alimenta non ad luxum, sed ad *necessitatem* præparanda & *ampliori vehiculo*, jusculo aut embammate mit einer weitläufftigen Brüßh conficienda sunt: accedunt herbæ betæ, chærefol. spinachia, acetos. endiviæ, borraginis, portulac. lactuc. heder. terr. meliss. menth. major. thym. plantag. latifol. salviæ, bellid. urtic. min. &c. talis hætenus deprædicata *tenuis* diæta e *vegetabili* regno magis instruenda est, quam animali, quoniam in horum partibus *alimentosa* materia magis *adaucta*, imo plane interdum *concentrata* est: hinc communiter *juniorum* carniū esus & producta ex animalium substantia & miscela, velut Lac, Butyrum, Medulla, pinguedo, gelatina, juscula, quæ alias *Krafft und nahrhafte Brühen* dicuntur, diætæ *pinguiori* & *consistentiori* annumerari debent. Quod de victu *tenui* modo dictum est, id etiam de *potu* *huius* qualitatis valet, qui multis modis suam *salubritatem* probat: & licet in nonnullis locis *saturatus* pinguis potus cerevisiarius præparatur, quem vocant ein *starckes*, *fettes*, *schwehres*, *mâstendes*

stendes Bier, haud tamen propterea hic præ altero salubritatem majorem testatur, quin verius constet, quod multi talium locorum incolæ pro sanitate sublevanda, cerevisiam *tenuem* & secundariam feligant & adhibeant; quare GALENUS peculiari libello *attenuantem victum* indicavit, explicavit & commendavit: recte igitur BARTHOLINUS in *Medic. Dan. dom. diss. 6. p. 239.* asserit: *si naturam ducem sequeremur, paucis contenti salubrius dederemus, spretoque apparatu magnifico, frugali nostro victu, quem in singulos dies majorum simplicitas instituit - sanitati melius consuleremus, opibus & felicitati enim vero ad opiparam cœnam undique conquistata edulia, gulæ irritamenta, quæ onerant stomachum, non satiant, crumenas emungunt, familiasque depopulantur: & p. 241. laudamus veterum philosophorum frugalitatem, qui parco & parabili cibo satiari maluerunt, quam saginari, ne alienarum escarum appetitu inescati pecuniam dilapidarent, vel si ea carebant, ne injuste acquirerent, nec non p. 242. majores nostri ita animati erant, rebus domi natis vescebantur, roboreque corporis & animi testati & ætate pro-
vecta, quam bene nobis nostra placere debeant, quibus vel pueri adsuevimus, vel communi naturæ inquilinæ desiderio plerique incolarum magno valetudinis incremento delectantur; præterea p. 243. varius enim victus, aliunde accersendus turbat rationes sapientis, avarasque cogitationes suggerit &c.* Non minus etiam HIPPOCRATES ad classem tenuis victus retulit *εοφήματα* Sorbitiones; testimonio quod *liquida* esculenta singulari prædicato atque usu se distinguant, & JAC. SYLVIVS de *victus ratione salubri* Tom. I. p. 15. inquit, in *tenui victu* magnam opem

invenit sanitas, & ROD. GOELENUS tr. *de Sanorum Diæta* p. 26. testatur, qui sanitati suppetias ferre cogitat, is *tenui* Diætæ assuescere discat.

§. IV.

Communis atque vera est assertio, quod *Diæta* sit accommodanda hominum *ætati*, *robori*, *consuetudini*, *vitæ generi*, constitutioni corporis aut *temperamento*, quoniam pro varietate *provinciarum* diætæ etiam instructio discrepat: etenim *debilibus* subjectis aut *infirmo* ventriculo præditis hominibus *dyspepta*, consistentia & *crassa* alimenta, licet *tenui* nutritiva qualitate conspicua, *haud naturali* proportionem respondent, & vice versa: sic etiam in observatione medica constat, nonnullos homines *robusto* & calido ventriculo gaudere, quosdam *strenuis* laboribus corpus exercere, ideoque multa in corpore *consumere*, quibus itaque *congrua* diæta ordinanda est. Inde quæstio illa decidenda erit, an *omnibus* subjectis *tenuis* conducatur Diæta? quam *affirmativa* responsione resolvimus! hac *discretionem* adhibita, quod *tenuitas* principaliter in mediocri & *temperata* consistat *alimentosa* virtute, qualia subjecta esculenta & potulenta pro discrepantia circumstantiarum modo moderata, modo *uberiori* copia, nunc *liquida* & diluta, alibi *consistente* magis qualitate usurpari possunt: attamen hæc ciborum consistentia a *sicca* & *tenaci* crassitie distinguenda est, siquidem *agrestis*, *vilis* & dura diæta nihilofecius *convenientem* & sufficientem humectationem postulat; Quare talis *tenuis* Diæta multis modis *salubritatem* suam *sanis* promittit hominibus: & quidem generatim corpus non *superfluo* alimento onerat: nam *pingues*, *oleosæ*, *gelatinosæ* mate-

riæ

riæ *larga* & nimia sua quantitate *pondus* fluidarum & solidarum partium *aggravat*; sanguinis miscelam & consistentiam *spissiore* reddit, qui propterea ein fettes, dicke, schwere, öhlichtes Blut vocatur, inde massa sanguinea *viscosior*, tenacior & spissior redditur, unde facilius vasorum sanguiferorum aliorumque canalium occlusiones, viscosæ impletiones, humorum stagnationes, membranarum emollitiones & relaxationes, renisus naturalis enervationes, viscosarum partium adhæsiones, polyporum generationes, aliaque multa mala ortum ducunt: dum contra *modica* substantiarum *pinguium* collectio reliquis humidis ac *fluidis* partibus *melio*rem accessum parat, ut quilibet humores, *mobili*ori qualitate instructi, *facilio*res progressus per *tenerio*res & angustiores vias, poros atque tubulos servaret queant: præterea *solidis* partibus non minor inde accedit utilitas, quando *temperata* quantitas alimentosarum substantiarum, *onerosam* obesitatem & pinguedinis augmentationem præcavet, *fibras* motrices, membranas & tunicas non nimis *relaxat*, nec *vires* valde enervat; sicut homines in *valde* alimentosa & *luxuriosa* diæta viventes facile *torpidi*, tædiosi, lassi & pigri evadunt: contra vero *modica* quantitas *alimentosa* materiæ, mox in *necessarios* sanguificationis & nutritionis usus impenditur, nec cum *superfluis* reliquiis illius vires *aggravantur*, & corpus *adimpletur*: *tenuis* vicissim diæta omnia hæc impedimenta & detrimenta arcet & avertit: siquidem conjuncta *sufficiens* corporis *humectatio* omnes functiones, vitæ & sanitati ministrantes, sublevat & promovet: inde myriadibus exemplorum comprobatum est, quod *vili*ori diæta fruentes, nisi alicubi *excessus*

commiserint, *firma* atque *stabili* sanitate fruantur: huc quadrat effatum BARTHOLINI *l.c. p. 292.* ubi de Piscium usu selecto apud Danos differit: *mollium piscium alimentum*, inquit, *hominibus otiosis, senibus imbecilibus & ægrotis accommodatissimum est; qui vero corpus exercent, cibos postulant firmiores: Exercitatione enim calor auge- tur, qui, nisi dura alimenta occurrant, in proprium hu- midum sævit; hinc videmus messorum nostros & tritores nisi durissimis cibis satientur, labori esse impares.* Et ita victus *qualitas exacte conferenda* est cum subjectorum conditio- ne, quoniam facile cum Diætæ *incongrua* qualitate vitæ & sanitati præjudicium & damnum infertur: huc spectat HIPPOCRATIS testimonium *Lib. 1. de Diætâ §. 1. t. 1. qui de victu humano scripturus est, censeo totius hominis naturam nosse ac dijudicare oportere - - quæ in ipso partes domini- um obtineant - - deinde ciborum ac potuum omnium, ex quibus victum habemus facultatem.* Medici itaque officii- um est, ut cum plurimum *sanitati & viribus* naturalibus *Diætâ* ministret, hæc rite instruatur, ob id periti medi- ci & prudentes philosophi, luxuriam, *gulositatem*, & ex- superantiam reprehendunt: testatur hoc SENECA *in Con- sol. ad Helvet. c. 9.* asserens: *corporis exigua desideria sunt: frigus submoveri vult, alimentis famem extinguere: quic- quid extra concupiscitur, vitiis, non usibus laboratur - - undique convehunt omnia nota fastidienti gulæ: quod disso- lutus deliciis stomachus vix admittat, ab ultimo portatur Oceano. Vomunt, ut edant, edunt ut vomant: id quod ex parte Diætâ temperatam tenuemque respicit.*

§. V.

Quicumque præterea ob rationem *juventutis sanæ*
&

& vegetæ, temperamenti *calidi* & vivacis, virium *robustarum*, appetitus *ferventis*, concoctionis *promptæ* facile *largam* sanguinis copiam colligunt, indeque concurrentibus aliis causis multas molestias experiuntur, aut meruunt atque expectant, aut alias *plethoræ* titulum & præsentiam valde expavescunt, vel *individualement* qualitatem *accumulandi* sanguinem possident, qui propterea *Blutreiche Menschen*, denen leicht alles zu Blut wird, vocantur, in quibus etiam ob prædictas causas, ut & ob liberum, facilem & vegetum circuitum sanguinis functio naturalis *sanguificationis* promptius & uberius succedit, illis *tenuis* Diæta multam salubritatem promittit, partim *privativo* respectu, ne *alimentosæ* partes *nimis* augeantur, partim *positivo* intuitu, ut excretiones magis *promoveantur*, nec retentiones *prævaleant*, nec etiam sub *pinguiori* humorum consistentia materiæ *sanguinem* constituentes, *largius* coalescere, & reliquam quantitatem *ultra necessitatem* & *utilitatem* augmentare queant: hinc talis Diæta Massam Sanguinis in *mediocri* copia, ne excedat, neve deficiat, conservare adjuvat: ob rationes *sufficientes physicas* tenuis hæc diæta præcavet, quo *minus* sanguis *auctius* generari queat, dum non modo privative *pauciores gelatinosæ* & in consistentiam proniores substantiæ colliguntur, sed & positive *largiores humidæ*, aquosæ & diluentes materiæ massam humorum adeo comparate discontinuant, quo minus materiæ, *sanguinem* constituentes, facile & copiose misceri & *coalescere* possint: hinc *tenuis* victus *naturalis*, certa, segura, efficax, tacita & placida medicina est, quæ præjudiciosam & *perniciosam plethoram* præservat, temperat, a *noxiiis* effectibus detinet

net & coercet: & qui hac diæta paulo plenius, liberalius
uberius utuntur, æque facile damna inde & sanitatis of-
fendicula expavescere debent: eo minus etiam cum hac
tenui diæta tam *stricta lex* observanda erit, ut ad *lan-*
cem, aut exquisitum pondus disponatur, qualis casus a-
pud THONERUM occurrit *Lib. 6. ep. 4. p. 284. sq.* vel sicuti
Propheta *Ezechiel*, quam diu in *sinistrum* latus jacebat,
viginti fidorum pondus uno quoque die statis horis come-
dere debuit: *c. IV.* nostræ assertioni & demonstrationi
annuit LUTHERUS in der Hauß-Postill *Dom. 7. Trinit. Opp.*
Lips. Part. XV. p. 372. a. b. „Man siehet, daß der Reichen
„Küche nicht jederman diene, und die Leute nicht lange ge-
„sund dabey bleiben, daß mancher ihm lieber ein Stück Brod
„und einen frischen Truncß Wasser wünschen solte, dabey er
„möchte gesund bleiben, denn solchen Überfluß, davon Kranck-
„heit und ungesunder Leib folgen muß. Wie man gemei-
„niglich an den Reichen siehet, die mehr nach Wollust, als
„was dem Leibe gesund ist, und zur Nothdurfft dienet, trach-
„ten, darum gedenhet es ihnen auch also, daß ihrer viele
„vor der Zeit an mancherley Seuchen sterben: da dargegen
„arme Leute, die da essen und trincken müssen zur Nothdurfft
„was sie haben, dabey frisch und gesund bleiben, und viele
„Jahre erreichen. „ Præterea *tenuis* diæta *præservat* ho-
mines a molesta & præjudiciosa *corpulentia* s. obesitate,
dum *pingues* alimentosæ substantiæ non *accumulantur*,
reliquis *dilutior* cibus & potus *excretiones* promovet, lar-
gas vero *cohæsiones* viscosarum & pinguium partium præ-
cavet: ob id *coqui*, omnes ollas & embammata gustantes,
& in *culinis* sub *nidoroso* vapore versantes, facile & sæpe
saginantur & nimiam *obesitatem* nanciscuntur: id quod et-
iam

iam de *potu saturato* & pingui valet, fett Bier mästet starck,
und machet fett: id quod in inhaſitoribus obſervare li-
cet *talium* civitatum, ubi Cereviſia iſtiusmodi *nutriens*
coquitur, ſub cujus uſu cives comparate *parcius cibum*
aſſumunt, quia *plurimum* alimenti cum cereviſia compa-
rant: idem teſtatur BARTHOLINUS in *Medicina Danorum*
domestica diſſ. 9. p. 381. inſuens: *Potatores Cereviſiæ raro*
edaces ſunt, cum cereviſiæ nutriendi magna inſit viſ: qui-
cunque vero e culina *largam alimenti* copiam colligunt,
illi etiam *tenui* potu utentes, nihilominus conſpicuam
corpulentiam acquirere poſſunt: quare idem BARTHO-
LINUS *l. c. diſſ. 7. p. 319. ſq.* indicat: *noti mihi ſunt, quam*
plurimi, qui obeſum corpus geſtant, ſolius cereviſiæ ſecun-
dariæ potatores: proinde autem plane *robuſti*, firmi, exqui-
ſite ſani, vegeti & cæteroquin duri ſunt homines, qui ob
ſimplex vivendi genus e *tenui* diætâ nihilominus ob *conna-*
tam qualitatem, aut *individuaſem* conſuetudinem firmum
& procerum corpus recuperant: quod enim *Danielis diæt-*
am tenuem & vilem, in cibo *leguminoſo* & *potu aquæ* con-
ſiſtentem concernit, dum *regio* victu uti recuſabat, ſub
qua ipſe cum ſociis ſuis & *forma lætior* & *corpore pinguior*,
aut carne obeſior, præ omnibus pueris comedentibus ci-
bum Regis, apparuit, tunc id velut *extraordinarium* ſi-
gnum, *ſpeciali divina* benediſtione & providentia conti-
git; quoniam alias e vili diætâ, modo *ordinario* & conſue-
to, *ſimile* quid contingere *haud* ſolet: interim *vilis* & *tenuis*
Diætâ a ſe invicem diſcrepant; ſicut vile pabulum anima-
lia haud pinguefacit; tenuis autem victus hominibus *mo-*
deratum, attramen *ſufficiens* alimentum largitur, quod in
vili cibo aut eſca tamen quadantenus deficit.

§. VI.

Præter hæc commoda, quæ *tenuis* diæta vitæ & sanitati naturali offert, etiam *concoctionem* promover, *subleuat* & abbreviat; utur etenim quædam subjecta esculenta in diæta simplici *consistentia*, sicca & compacta sunt, tamen cum *sufficienti* vehiculo tenui, humido & diluente permixta, facilius in ventriculo, conjuncto hujus motu & calore naturali, *emolluntur*, leniuntur, macerantur & resolvuntur, imprimis dum tales cibi ob *modicam* pinguis substantiæ præsentiam & intermixturem, reliqua compages *non nimis tenax* & viscosa est, unde sub digestionem facilius separari illa subjecta possunt: interea *cruda*, *spissa*, *tenacia*, valde dura & dyspepta a *tenui* diæta distinguenda, aut alimenta consistentia æstimanda sunt, secundum receptivitatem *individuum*, habito videlicet respectu *roboris* individualis, virium, ætatis, sexus, temperamenti, educationis, adfuetudinis, &c. quæ consideratio & differentia talium respectuum, qualis *species* tenuis diætae uni subjecto magis, alteri minus conveniat & conducat: ita enim subjectis *robustis* alimenta cæteroquin *tenuia*, sed *consistentia* non valde *mollia*, pulposa & nimis diluta quadrant; vicissim *mediocrium* virium hominibus tenuis diæta quoad *mixturem*, sed & quoad *consistentiam* convenit; quæ *relativa* qualitas concoctionis functioni ita respondet, ut hæc naturali vigore promptius & facilius succedat: talis etiam Diæta *nutritioni moderatæ* & ordinatæ admodum subvenit; hæc enim tenuem & *temperatum* subministrat chylum & lympham, hi humores facilius per suos ductus, *canales* & meatus progrediuntur, ideoque æqualiter distribui & partibus nutriendis communicari possunt, quibus tamen

haud

haud crassa & viscosa accumulatione adhærent, sed modica quantitate & æquali proportionem apponuntur, ut propterea nutritio nec superflua, nec accelerata, nec inordinata succedat: quam ob rem illi, qui *molestam* proceritatem corporis nanciscuntur, ad victum & potum *parcius* nutritivum confugiunt, & *gravidæ* majorem molem corporis *fætus*, insuper autem laboriosum, dolorosum & *difficilem partum* præcavent, perinde aut *parcum* aut *tenuem* victum seligere & assumere solent: proinde in ratione *physica* fundatum etiam est, quod diætæ *valde* alimentosa in *multis* hominibus propriam nutritionem partium organicarum magis impediat, & *molestam obesitatem* causetur, dum partes *pingues* & gelatinosæ *inordinatius* sibi invicem apponuntur, & motui fluiditatis quippe magis viscosæ minus æqualiter obtemperant: exemplum & documentum hujus veritatis in *hominibus* æque ac animalibus *brutis* occurrit, quibus *nimis alimentosæ* diætæ & victus conditio sub periodo vegetioris nutritionis *haud tantum* confert, ac *temperata* aut tenuis; hinc pueri & adolescentes e culina matrum in peregrinam œconomiam emissi, majori vigore & meliori successu nutriuntur; sicut *valde pinguis* & *saturata* saginatio, *junioribus* animalibus magis *decrementum* & mortem, quam nutrimentum & sustentationem promittit: quæ regula & observatio peritis & attentis œconomis & cognita & provido usui perquam commendata est. Porro *temperata* & *tenuis* hæc diætæ *liberum*, *ordinatum* & *æquabilem* humorum *progressum* promovet & faciliat; *duplici* subsidario effectum, partim humores in *fluida mobilitate* conservando, partim *canales*, vias atque poros in debita *lenitate*,

flexilitate & *permeabilitate* adjuvando; hæc enim diæta iterum suggerit chylum & lympham modicam, *temperatam*, fluidam & tenuem, unde tota *Massa* humorum quoad *consistentiam* dilutior & *mobilior* redditur: sicut contrario modo diæta *plena*, *pinguis*, *saturata*, nimisve alimentosa sanguinis massam *viscosam*, consistentem, nimis pinguem & crassam, ideoque *tardius* & *difficilius* circulantem reddit: illa autem *tenuis* diæta *fluidis* partibus scilicet humoribus, substantias magis *teneras*, *lubricas*, molles & minus tenaciter cohærentes communicat: ob id *motus cordis* inde redditur *moderatus*, ordinatus, æqualis & constans: Sanguis per universam corporis distantiam *libere* & *facile* circulatur: Singulæ partes, ad corporis œconomiam spectantes, ab hac *æquali* & universali distributione humorum multa alia commoda impetrant: & hoc medium atque subsidium multum ad sanitatem atque durabilitatem contribuit: hinc illi qui diæta opipara, splendida, luxuriosa, valde nutritiva & obsaturante fruuntur, multa impedimenta & *incommoda*, quoad hunc *ordinem circuli sanguinis* experiuntur: quod itaque de toto prædicatur, videlicet de *Massa* humorum, id etiam valet de partibus, nimirum de chylo, lymphæ &c. quorum specialium humorum progressus æque facilis & æqualis a tali diæta promittendus & obtinendus erit.

§. VII.

Eadem Diæta *tenuis* & *temperata* præter hætenus nominatas & demonstratas utilitates ab *obstructione* & *infarctu vasa* & *viscera* præservat, ideoque perniciosas humorum *stagnationes* & *stases* avertit; dum videlicet
partes

partes illas continentes in naturali ac conveniente *mollitie, lenitate, flexilitate* ac lubricitate conservat, easdem ita aptas reddit, ut humores *affluos facile* admittant, & *transitum* eorum sublevent: ipsi autem humores *crassi & consistentia* sua magis *tenuēs* subtiles meatus atque ductus *facile* penetrant, nec ullibi suspecta viscositate *adhærent*: *physico-hydraulica* enim est ratio & demonstratio, quod fluidum *dilutum*, leve, *mobile* & tenue per canales *lubricos*, lævigatos & extensiles *facilius* progrediatur: quippe quæ utilitas sicut in *ratione* fundata, ita in *observatione* confirmata constat; siquidem homines sub *hac* diæta *nec polypo* cordis, *nec malo hypochondriaco*, *nec hepatis & lienis obstructione*, nec glandularum infarctu, nec similibus aliis affectibus, nisi *errores* in diæta commiserint, aut *violentis* causis obnoxii redditi fuerint, aut *incongruis* medicationibus se submiserint, corripuntur. Veritas hujus demonstrationis ex *opposito* probari potest, dum *plena, saturata, pinguis*, lauta, nimis *alimentosa* diæta ad *prædictos* affectus facile & frequenter disponit: Ob ante dictas etiam rationes eadem Diæta, omnes viæ, sive fuerint canales, sive pori & qualescunque meatus *permeabiles* redduntur, unde progressus humorum in vasis capillaribus & poris *angustis* admodum *adjuvatur*; quoniam humores *tenuēs, diluti*, quippe magis *fluidi* & mobiles, per vasa & organa *lævigata*, lubrica, mollia & lenia facilius progredi possunt: quando vero e Diæta *densiori & consistentiori* membranæ magis *viscosæ & rigidæ* redduntur, tunc promptiori ingressui & transitui fluidorum ægrius obtemperant, testimonio illo magis luculento, quod hæc diæta *consistens* & valde nutritiva & *alvi*

& *urinae* excretionem tenaciorem & tardio rem reddat; hinc a majoribus i. e. amplioribus viis & canalibus, ad minores etiam consequentia valet. Quod itaque hoc modo *naturali* & *libero* ordine contingit, id *artificiali* methodo secure & efficaciter imitari solemus, quando ad *curandas* & resolvendas *stagnationes*, obstructiones & meatuum occlusiones Diætam talem *tenuem* aliaque adminicula liquida, & *diluentia* ordinamus, quibus meatus eluimus, aperimus & *pervios* denuo reddimus: ex hac observatione insuper illa *parallela* annotatio fuit, quod *veteres* medici *gravissimis* morbis aut præoccupandis, aut mitigandis, aut curandis *majorem* opem cum *diæticis* mediis obtulerint, quam artificiosis pharmaceuticis, *qualia* adminicula ut plurimum e *tenui* diæta selecta & ordinata fuerant: hinc in *illis* regionibus, ubi diæta magis *crassa*, dura, saturata, consistens, densum & *viscosum cibulum* præbens, usitata est, sub qua *pisces*, aliaque esculenta animalia *marina*, carnes exsiccatæ, induratae, muria conditæ, fumo arefactæ, pulpamenta spissa, e larga copia triti hordei, fagopyri s. fagotritici parata adhibentur, qualia in borealibus & maritimis provinciis usu recepta, in quibus propterea obstructiones viscerum & canalium, indeque pendentes morbi *chronici* magis familiares sunt: ob id CÆLIUS AURELIANUS *Lib. 3. tard. Passion.* testatur, *multos chronicorum morborum, a victu spisso & superobundanter nutriente ortum ducere*: inde oriuntur indurationes & infarctus pulmonum, hepatis, lienis, uteri &c. & varia morborum specimina ab hac causa dependentia. Hæc diæta, hucusque commendata & explicata, ulteriori salubri efficacia mole-

molestos sanguinis *orgasmos* præcaver, dum *temperatam* humorum consistentiam promover, æqualem, liberum & *moderatum* motum humorum adjuvat, partes subtiles, volatiles sulphureo-salinas ad *intestinum* & *elasticum* motum fluidorum excitandum & *exacerbandum* idoneas, nec *accumulat*, nec diu *tolerat*, nec impellit & valde commover, præterea *solidas* mobiles partes ad intensiorem motum haud *stimulat*, sed *moderatum* solidorum & fluidorum motum conservat, & dum *æqualem* humorum progressum per vasa & meatus adjuvat, ita alienos motuum gradus avertit; hæc enim diæta *spirituosas* materias *parcius* comprehendit, ideo nec *materialem* dispositionem ad tales præjudiciosos & perniciosos orgasmos suggerit: *tenuis* enim victus *excludit abundantiam generosarum*, aromaticarum, volatilium, agilium substantiarum, quæ sub humorum *progressu*, *coloris* naturalis concursu, *efficaciori* fibrarum motricium effectû, solertiori & *intensiori* membrorum motu, usu, labore & exercitatione certius, citius & facilius *intestinum* humorum motum auget, qui semel in motu constituti, dehinc in talem ebullitionem & spumescentiam transeunt, imprimis quando e diæta consistentiori & largius alimentosa partes oleosæ, pingues, sulphureæ & biliosæ in humorum massa augentur.

§. VIII.

Ita etiam *tenuis* & temperata illa Diæta largiorem *bilis* & volatilium *salium* genesis *præcaver*, quæ ex ingestis alimentis & potulentis *spirituosis*, vinosis, aromaticis, refinosis, acribus, *amaris*, *sulphureo-salinis* substantiis largius formantur, ut propter illarum materia-

rum copiam *abundantem* variæ *offensiones* fluidis & solidis partibus, ut & ipsis *motibus* accidant: vicissim autem *remotive* hæc diæta *parcius talia* principia suppeditat, *positive* vero *adjuvat*, ut reliqua talia principia, Massæ sanguineæ interspersa, facilius *separentur*, ideoque morbi biliosi, febres acutæ, congestorii, spasmodici &c. *præserventur*: ob id istiusmodi affectibus vexatis præservatorio scopo talem temperatam & *tenuem* diætā præscribere solemus: quamvis etiam interdum *sub eadem* Diæta *salia* esculenta & culinaria liberalius & *largius* ingerantur, ipsa tamen hæc diæta illa *temperat*, extenuat & discontinuat, ut noxam inferre nequeant, & huc quadret HIPPOCRATIS effatum in *lib. de veter. Medic. inest in homine & amarum & salsum & dulce & acidum & acerbum & fluidum & alia infinita, omnigenas facultates habentia, copiamque ac robur: atque hæc quidem mixta ac inter se temperata neque conspicua sunt, neque hominem lædunt: ubi vero horum quid secretum fuerit, atque ipsum in se ipso fuerit, tunc & conspicuum est, & hominem lædit.* Deinde hæc *tenuis* diæta non modo *Salia* talia *diluit*, & lubrica ac fluida *gelatina lenit*, involvit ac demulcet, sed etiam ad *faciliorem* excretionem disponit, quo minus diu in corpore detineantur, nec *copia* augeantur, nec qualitate sua *deteriorescentur*: eadem efficacia *eo* etiam se extendit, ut humorum *præsentem inimicam* acrimoniam corrigat, indeque enascentes *morbificos* effectus *avertat*, leniat, extinguat: nam tenuis hæc diæta prædominantem illam *acrimoniam* distrahit, *diluit* & liquida mucagine *involvit*, quo minus partes *sensibiles* nervosas & membranosas *molestè* afficere &

& stimulantē irritatione vexare queat; deinde illa magis dulcem aut *temperatam* humorum miscelam promovet, *parcius acris* salia corpori suppeditat, & hoc modo *edulcorantem* quasi effectum largitur; culinare enim ac *domesticum* experimentum est, quod *acre* & concentratum subiectum, affuso diluente, *aquoso* & temperato *gelatinoso* vehiculo *corrigi* magisque gratum reddi queat: hinc illi qui *tenuem* Diætā usurpant, *temperatos* magis humores continent, qui *omnibus* partibus corporis magis *congrui* sunt, quam multis *salinis*, *sulphureis* & biliosis partibus permixti. Huic considerationi & demonstrationi exacte convenit applicatio *practica*, qua ad *sanguinis* & *lymphæ* acrimoniam corrigendam, ideoque humorum *temperiem* conciliandam, *talem* diætā, quippe *naturalem* & efficacem *medelam* ordinamus: ita in *scabiosa*, *ulcerosa*, *venerea*, *scorbutica*, *purpurata* infectione diætā *pinguem*, lautam, consistentem, valde & alte sapidam similemque *improbamus*, temperatam autem, dilutam, aquosam, *tenuem* & velut famelicam, *eine mageren Küche* commendamus & admittimus; memores illius diæterii *corpus impurum*, quo magis *nutriveris*, eo magis *læseris*; diæta enim *alterius* qualitatis perquam *alimentosa*, luxuriosa & opipara non tam in *nutrimentum*, quam majus *inquinamentum* corporis cedit; sicut tali *splendida* diæta fruētes, ut plurimum valde *intemperato* sanguine præditi sunt; quicumque itaque a *tali* sanguine *morbosus* offensas patiuntur, illi pristinam suam diætā, cum diæta pauperum aut *inferioris* sortis & plebejæ conditionis hominum comparate commutare debent: inde etiam constat, cur *avarī longævi* evadant, & diu sani
atque

atque incolumes vivant, ut superius indicatum fuit; cur principes diætā aulicā evitantes, & vulgatā ac civicā *Bürgerliche Kost und Speise* adhibentes, æque diu sani persistant, & vivaci integritate ad longævitatē pertingant: ob id etiā RAMAZZINI *tr. de Princip. Valet. tuenda cap. 4. victum parcum & simplicem* ad sanitatē tuendam & promovendam ac longævitatē acquirendā laudat. Huic leviori, temperatiori & viliori diætæ facile sese associat *consuetudo*, qua acquisita facultate homines majori *euphoria* hanc diætā perferre possunt, quam *minus commode* altera opulentorum & *luxuriosorum* diæta sese cum *adsuetudine* conjungere solet; siquidem hæc *posterior* qualitas victus, etiā sub *eadem consuetudine*, varias *molestias* & incommoda concomitantes comprehendit: cum qua vivendi ratione non vulgatum illud dictērium congruit, *der guten Tage könne man eher gewohnt werden, als der bösen*: *tenuis* enim diæta non *adversis* qualitatibus aut diebus tribulationis adscribenda, nec cum cibo lacrymarum confundenda est, nisi alicui *pæna* dictitatur, ut pane & aqua sustentetur a *mediocri* enim & *temperata* Diæta mutationem cum *lauta*, *pingui* & consistente instituere, *minus* prodest, e *lauta* vicissim diæta ad *temperatam* transire *magis* prodest & *minus* obest: conf. HIPPOCRATES *de veter. Medic.* GALENUS *de rat. vict. t. 21. 22. 24.* CASP. REJES *Camp. Elys. juc. qu. 93.* BARTHOLINUS *de Medic. Dan. dom. diff. 6. p. 251.* JOEP-SERUS in *Manud. ad vitam long. Part. I. c. 7. p. 42. sq.*

§. IX.

Singulis hisce *utilitatibus* a *tenui* Diæta expectandis annumeramus adhuc, quod secundum Rod. o CASTRO
de

de Morb. Mul. Lib. I. c. 10. schol. p. 48. lin. 36. victus tenuis facile a natura non solum superetur, minimeque excrementosus sit, sed etiam se & excretorias functiones perquam sublevet, quoniam non largas pingues, viscosas & oleosas partes complectitur, ideoque consistentia chyli alimentosi temperatior existit: & si in subjectis duris, robustis, calidi temperamenti, flagrantis appetitus, viribus potentioribus, validaque facultate concoquente instructis, cibi duriores, crassiores & consistentiores conducunt, nihilo tamen secius istiusmodi vilior diæta, respectu mediocris alimenti, ut superius monuimus, tenuis esse solet: qui succus alimentosus sufficiente vehiculo exceptus facilius organa secretoria intrat penetratque, ut inhærentes excrementitiæ partes facilius æque separentur, excretoria vasa & organa sufficienter leniantur, humectentur & permeabilia reddantur, ut ipsa excretio commodius consequatur: quibus physicis qualitatibus & adminiculis insuper crebra ac congrua corporis exercitatio subvenit, quæ reliquas connexas operationes præparationis, depurationis, distributionis, resolutionis, apertionis, nutritionis, abstersionis aliasque efficaciter promoveret; quicquid autem crassiorum, terrestrium, densiorum & fæculentarum partium hujuscemodi diætæ inexistit, id non largiori pingui & nutritiva materia vinculatur & saturatur, ideoque facilius vasa & organa se & excretoria penetrare potest, si præcipue sufficienti humiditate emollitum, & in lubricam ac fluidam consistentiam redactum est. Denique tenuis Diæta viribus conservandis, sublevandis & reficiendis multum confert: dum nec concoctionem, nec sanguinem, nec

alias functiones vitales & naturales *aggravat*: ideo sanguis *mobilis* motum ejus valde *sublevar*, ut non tam *operosa* & strenuæ *vires* impendendæ sint, sicut nec *superfluus* sanguis ab *eadem* Diæta metuendus est, qui *pondere* suo *graviori* & molestiori *vires* magis *languescit* & debilitat: præterea *lenis*, *tenuis* & fluidus sanguis per omnes suos *meatus* & ductus *facilius* progreditur, viæ & canales insuper *permeabiles*, fibræ motrices *flexiles* & mobiles sunt, proptereaque per rationes *physico-mechanico staticas* in fluidis & solidis partibus talis dispositio & habitudo adest, mediante qua vires valde levantur: inde vicissim constat, quod *saturatus*, valde *alimentosus*, *spissus*, consistens victus & potus *animum torpidum*, *membra lassa* & gravia reddat: singulare specimen occurrit in *messoribus*, qui sub *gravioribus* laboribus talem *valde nutritivam* diætam perferre *nequeunt*, sed *levem* ac *tenuem* seligere debent: simile quid observatur in *æconomicis*, quid densum, *pingue* & saturatum pabulum efficiat, quo *animalia* saginantur, id quod hæc persegna, torpida & debilia reddit, sub quo *diu sana* esse & vivere *haud* possunt: *tenuis* vicissim diæta *levior* est, materias *mobiliores* suppeditat, ideoque *facilius* tractari & tolerari potest, unde viribus non molestum & grave onus accidit: sicut e contrario omnes humores *saturati*, densi, compacti & *consistentes*, quales a diæta *pingui* proveniunt, *ponderosiores* & graviores existunt: hinc homines *sanguine pinguiori*, aut magis *terrestri* præditi, facilius *delassantur* & enervantur, testimonio *plethoricorum*, *melancholicorum*, *hypochondriacorum*, victu pleno & opiparo fruentium, qui utplurimum torpida

pida & pigra membra gerunt, eine gute Küche macht übermüthig und faul Fleisch, daß man den Brodkorb muß höher hängen: ita humores *consistentiores*, & fibræ *aridiores* & *rigidiores*, motus reddunt *operosiores*, id quod etiam experimenta *hydrostatica* probant, quando vasculum, patella aut mensura certa sanguine *pinguiori* & dein *dilutiori* impletur & ponderatur, notatu digna *differentia gravitatis* aut ponderis invenitur. *conf* SANCTORII *Medic. Stat. Sect. 5. §. 4. 5. 21. 29. 47.* BARTHOLINUS *de nivis usu*, c. 12. p. 82. PITCARNIUS *in elementis Medicinæ physico-mathematicis, Lib. 1. c. 2.* JO. MANELPHUS *in Comm. in IV. Meteor. Aristot.* quod itaque *talis* Diæta corpus non aggraver, nec vires *infirmas* reddat, præter hætenus allegatas *rationes* suo *testimonio* confirmat BARTHOLINUS ita in *Medic. Dan. domest. diff. 8. p. 357.* indicans: *adeo Medicis olim Dania caruit, quia luxum ignoravit & gigantei roboris protulit incolas, quia simplici victu contenti cives corpora non gravabant, nec medicinæ necessitate premebantur*, aut ut MUSONIUS *ap. Stobæum Serm 18 p. 167.* ait: *qui communissimis cibis utuntur, robustissimi sunt.* *conf.* CLEM. ALEXANDR. *L. 2. Pædag. c. 1.* Et hæc præsentis tractatione & Specimine sufficiant *salubritatem Diætæ tenuis* significasse, commendasse, & variis *rationibus* atque *observationibus* probasse. Quod superest in humillima gratiarum actione consistit, quam DEO T. O. M. pro almo auxilio ad præsentem opellam debemus, quem simul imploramus, ut cœlesti sua benedictione omnes nostros labores comitetur ac protegat, efficiatque ut iisdem exoptatus & salutaris eveniat successus atque

F I N I S.

CLARISSIMO DOCTISSIMOQUE
DN. CANDIDATO

Εὐεργίαν APPRECATUR

P R Æ S E S.

E diversis necessitatibus, quæ in ergastulis contingunt, Belgicus Scriptor BAUDARTUS in *Histor. rer. belg. Lib. 5. fol. 40. sq.* demonstrare vult, quod *Sanctus Raspinus, Sanctus Labor, St. Fames, Inedia & Pæna majora & præstantiora edant miracula in curatione hominum, perniciose lue Pigritiæ, Luxuriæ, dissipationis, pervicaciæ &c. laborantium.* Ast hæc salubria media haud ad sensum & palatum humanum grata sunt & accepta, sed magna eorum pars fugit labores, & præoptat otia, aversatur famem & quærit saturitatem ac in varietate delectationem amat. Simplex victus non paucis vilis & abjectus est, ac a mensa non satur discedere, pro egenis, quibus curta suppellex est, relinquunt, hinc CAMERARIUS in *Syll. Memorab. Cent. XII. part. 47. in fin.* inquit: *non satis est pisces, carnes, frixas, elixatas, assatas*

assatas & aceto maceratas, fumoque induratas aggregasse & apposuisse varia sarcimina; pistoris opera insuper accedat necesse est, & aliquot placentæ aggregandæ &c. ob id hic author eod. loc. victum simplicem ad longævitatē commendat, qui plurimorum medicorum suffragio gaudet. *conf. PAULLINI in ebs. p. 109. accedit LUTHERI assensus in Comment. in Gen XI, 10.* De antiquis Romanis constat, quod valde sobrietati operam dederint, de quibus PLUTARCHUS *Lib. 8. Sympos.* testatur, quod meridie parum ederint, vesperi autem cum amicis cœnaverint, unde cœna a κοινωσία communione derivata traditur. In quanta æstimatione igitur temperantia, & Diæta simplex ad durabilem vitam & sanitatem fuit, in eodem pretio atque æstimio Diæta tenuis esse potest: ita enim antiquissimi medici in certis morbis non solum tennes, sed & tenuissimos, imo plane extreme tenuissimos cibos commendaverant, *vid. HIPPOCR. L. 1. aph. 7.* Ast hæc lenis, temperata & tenuis diæta non tantum in morbis, sed etiam ad sanitatem & longævitatē acquirendam utilis est: id ipsum peculiari explicatione confirmare *Tibi, Clarissime Dn. Candidatē*, placuit. Selegisti hoc argumentum e doctrina, quæ Sanitati tuendæ prospicit, ut præsentī Inaugurali documento illud commendes. Effluxere nunc aliquot anni, quibus in nostra Musarum Palæstra variis elegantioribus studiis, præcipue in Medico foro & choro eximia, indefessa & constanti industria ac egregia applicatione operam dedisti, ut merito singulorum Hodegetarum, qui bonis dogmatibus animum Tuum, eleganti discendi ardore flagrantem, fatiarunt, merita ac honesta approbatione gaudere, imo quod magis est multis exempli loco calcar æquali dexte-

teritate transigendi curriculum academicum addere possis: ornasti præterea laudabilem hunc tramitem academicum egregia honestate, probitate, modestia ac tranquilla animi qualitate, quibus facile coævus Tuos conterraneos, qui apud nos vitam degerunt, superare queas. Quoniam igitur nunc divina dirigente bonitate vitæ academicæ valedicere & privilegia doctoralia, tanquam meritum & honestum viaticum acquirere cogitas, ideo in consuetis solemnibus Examinibus ordini nostro egregios Tuos profectus prodidisti, ut hisce honoribus dignum Te omnino declarare queamus. Gratulor igitur de felici academicæ vitæ fine, ut & de honoribus promeritis: proinde sincero voto opto, ut cœlestis clementia industriam Tuam ac modestiam omnibus salutaribus successibus & firmis animi ac corporis viribus & felicitatis accrementis coronare velit. Vale. Dab.

Halæ Calendis Octobr. A. R. S.

CIO IOCC XLIV.



VIRO

V I R O

IVVENI PRAENOBILI ET EGREGIE DOCTO

DOMINO CANDIDATO

LEONH. GOTTLIEB LEVTHOLF

MVLTAM PRECATVR FELICITATEM

I. IVNCKER.

SAepius ipse ego, CANDIDATE praenobilissime, non tamen sine dolente animi sensu, mirari soleo, quod homines post lapsum ex peccato tam laboriose tamque audacter inscii & quasi occaecati in suae sanitatis perniciem ruant. Omnes dum bene vivere per OTIVM & LVXVM intendunt, aegrotare incipiunt, & plurimi non edunt, ut viuant, sed viuunt, ut edere possint. Quam vero hoc sanitati officiat, iam ab antiquorum saeculorum eruditis scriptum accepimus. Taceo CICERONIS, atque venerabilis SENECAE de *victu tenui* elogia: illud modo attingam, quod ingeniose cecinit antiquus ille Poëta, nempe: *viuitur paruo bene, cui paternum splendet in mensa tenui salinum*. Praesentis autem saeculi artis medicæ antistites adhuc intimiorem huius veritatis cognitionem & scriptis & ore prodiderunt: atque ad eum censum *Tua* quoque referenda est,

est, CANDIDATE doctissime, dissertatio. Iucunda materia, iucunde aequae ac doctae consignata, & ad vitae communis utilitatem conscripta; utinam homines ad eam normam ratione victus instituerent vitam: sic enim multo feliciorum illos eam agere posse, contendere auserim. Quamvis autem surdis plerumque narratur fabula: Medicorum tamen est, optimam sanitatis tuendae viam quavis occasione aperire & commendare. Caeterum, CANDIDATE dignissime, uti & animi Tui candor & studiorum Tuorum felix augmentum haud mediocri mihi semper fuit oblectamento: ita nunc gratulor diligentiae Tuae praemium atque honorem. Maeste igitur progredere in eo, quem ingressus es, virtutis tramite; atque ita felices in arte medica tandem colliges fructus. Sic vade bonis auihus & vale. Dabam
Halae d. XXXI. Sept. MDCCCXXXIV.

